



Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 19/07/2022

Här President,

Sou wéi den Artikel 80 vun eisem Chambersreglement et virgesäit, bieden ech Iech, dës parlamentaresch Fro un d'Ministesch fir Famill an Integratioun weiderzeleeden.

Zënter 2009 hunn d'Ongläichheeten an d'Aarmut hei am Land zougeholl. Sou ass den Taux vum Aarmutsrisiko, den Donnéeë vun Eurostat no, zënter 2010 bis haut ëm ronn 3 Prozentpunkten an d'Luucht gaangen. Déi selwecht Entwécklung gesäit ee bei den Zuele vum Aarmutsrisiko, nodeems Sozialtransferte gemaach goufen. Ee vun den Hauptgrënn ass warscheinlech, dass d'Logementskäschten hautzedaags vill méi an d'Geld schloen, wéi dat nach virun 10 Joer de Fall war. D'Zuele vun Eurostat weisen och hei eng Erhéijung vun 3 Prozentpunkten, wat d'Part vum Logement am verfügbaren Akommes betrëfft.

Am Artikel 23 vum Gesetz vum 18ten Dezember 2009 iwwert d'Sozialhëllef ass virgesinn, dass de Staat an d'Gemengen d'Käschte vum Office social 50/50 iwwerhuelen. Dës Ënnerstützung gouf am Gesetz esou limitéiert, dass d'maximal Bähëllef eng Aarbechtsplaz pro 6000 Awunner an enger Gemeng fir d'Personnel d'encadrement ëmfaasst an eng Hallef Aarbechtsplaz fir d'administratiivt Personal.

Zënter 2009 ass awer och d'Bevëlkerung am Land ëm 150000 Persoune gewuess - also 30% Bevëlkerungswuesstem.

An deem Zesammenhang wéilt ech der Ministesch dës Froe stellen:

1. Ass d'Ministesch der Meenung, dass d'finanziell Bähëllef vum Artikel 23 vum Gesetz vun 2009, ugesiichts vun der Zounam vun de sozialen Ongläichheeten, nach ugepasst ass?
2. Wäert d'Regierung dës Legislaturperiod Upassungen um Bättagsschlëssel maachen, fir dass d'Office sociaux méi Ressourcen zur Verfügung gestallt kréien?

Mat déiwem Respekt,



www.piraten.lu



GOERGEN Marc

Député



www.piraten.lu